

Schulhauslied Niederholz

1. Im Nii - der - holz, do si - mmer stolz, wenn
Gross und Kly, ka glügg - lig sy. Mir lee - re Neus,
blyy- be dra, sinn zä-mme stolz im Nii-der-holz. Un-se -ri Schuel isch
me- ga krass, vom Kinds-gi bis zur sägg- ste Klass. Mir gänn uns Mie,
häl-fe en-and, wenn schwii-rig wird, gänn mir dir d Hand. Zä- mme wä - mmer
wy - ter ko, nie-mer wird e - läi - gä glo. S Nii - der - holz isch
ge - ni - al, ych würd sa - ge: „Er - sichti Waal!“

Zämme stolz im Niederholz

2. S Niiderholz isch neu und gross.
Daag y, Daag us isch öbbis los.
S wird gschafft und gleert, gspielt und glacht
und männgmool au bitz Blödsinn gmacht.

3. „Ding, dang, dong!“, s isch Pausezyt,
mir renne los, es isch dr Hit.
S wird Fuessball gspiilt, s Znuni gnoo,
so könnt s doch ewig wyter goo.

4. D Leerer sinn so oberschlau,
Und luege männgmool vyl z genau.
Si rede vyl, sinn kreativ
Und spiile Fääler-Detektiv.

5. La vache, the cow, inek und dKue
So leere mir no mee drzue.
Was s andre ka, gseet me do,
sigg s Spanisch oder Tekwando.